

采芳隨筆卷十

北平查彬伯堃輯

金銀花靈品也一名忍冬一名通靈草

能伏硫制
承故名

一名鴛

鴛藤一名左纏藤一名蜜桶藤一名鷺鷥藤一名老翁
鬚一名金釵股附樹延蔓葉如薜荔三四月後開花不
絕花長寸許一蒂兩花二瓣一大一小長蕊垂鬚初開
者蕊瓣俱白經三二日則變黃新舊相參黃白相映故
呼金銀花氣甚清芬凌冬不凋而藤左纏金段復之克
已詩云有藤名鷺鷥天生匪人育金花間銀蕊翠蔓自
成簇褰裳涉春溪采之漸盈掬藥物時所需非為事口

腹牛溲與馬渤良醫猶並蓄况此香色奇兩通鼻與目
尤喜療瘡瘍先賢講之熟世俗不知愛棄置在空谷作
詩與題評使異凡草木段誠之成已詩云微雨灑郊坰
百卉欣並育幽花發溪側間錯金珠簇徐看是鸞藤香
味濃可掬忍饑出新句大笑負此腹遺落榛莽間采擷
誰見蓄情知無俗姿安能悅衆目先生日來往東溪路
應熟一經品題餘名字耀巖谷遇合良有時不才異山
水近時王漁洋詩云雨稀不見筍穿棚桐老髡如退院
僧慚愧諸天猶供養香花開遍鸞鸞藤黃銀樹與青金
樹未見虛聞漢苑傍何似金銀花滿桁夜來消受逆風

香家初白設色金銀花云天公省事厭繁華淡白微黃
本一家却被毫端鈎染出無端分作兩般花又金銀花
露云佳名傳本草舊識鶯鶯藤黃白移時變金銀任俗
稱但聞魚葉曬寧鮮帶花蒸方法誰邊得園林手種曾
栽培無棄物筐筥亦時登籬密開從徧枝繁采勿勝製
仍香未散候視氣先騰倒挽河車水徐收井甃繩夜牕
珠滴漑晨旭露鮮澄澹比初融雪清於乍釋冰恍疑仙
掌露直向玉盤凝出火經三日浮瓶貯半升諒非供熱
客間或餉良朋邊地尤難製塵襟豈易膺流匙宜少許
瀉盞感多承點酒奇芬溢和茶別味增唇沾良已足肺

潤更相應沆瀣咨仙侶醍醐問老僧
薔薇紅莫擬玫瑰紫休矜白戰聊成詠
慙無故事徵何春渚琪句云可能
華屋開常好只恐柴門種亦難

朱藤花雅品也亦畠屬爾雅所謂諸慮山鼎注今江東呼
鼎為藤游張公洞記云其陽有懸巖朱藤纏絡巖上丹
花藪藪下墜芬香襲人汎舟錄云湖汭兩岸多朱藤故
名畠畫溪吳郡諸山志云穹窿山紫藤塢幽深多藤花
可掇一統志云紫花澗在長興縣西北三十里岸皆叢
薄朱藤下垂暮春之月紫花滿澗亦名花瀨澗陸魯望
詩花瀨濛濛紫氣昏據此則朱藤花之名已久而諸書
多收入藤類但紫花璀璨可愛園亭中多種之前人吟
詠亦多故特列入花品亦號紫藤花唐太白詩云紫藤
掛雲木花蔓宜陽春密葉隱歌鳥香風流美人獨孤至

之垂花塢醉後戲題并序有云莊周臺南十餘步有邱
一成上有繆藤諸花倒垂下拂杯案紫葩繚緹如釵如
旒因命其地曰垂花塢詩云紫蔓青條覆酒壺落花時
與竹風俱歸時自負花前醉笑向鯈魚問樂無李衛公
思平泉潭上紫藤云故鄉春欲盡一歲芳難再巖樹已
青蔥吾廬日堪愛幽溪人未去芳草行應礙遙憶紫藤
垂繁英照潭黛又憶新藤云遙聞碧潭上春晚紫藤開
水似晨霞照林疑彩鳳來清香凝島嶼繁艷映莓苔金
谷如相並應將錦帳回姚秘書合架水藤云濛濛紫花
藤下復青谿水若遣隨波流不如風飄起風飄或近人

隨波千萬里許用晦詩云綠蔓濃陰紫袖低客來留坐
小堂西醉中掩瑟無人會家近江南罨畫溪金馮子駿
詩云白白紅紅委暗塵蒼藤次第著花新龍蛇奮起三
冬蟄纓絡紛垂百尺身見說紫雲偏得意不知翠幄巧
藏春齋厨晚甑清香滿未信侯門有八珍明吳匏菴詩
云嫋嫋數尺藤往歲手親插西庵敞短簷藉爾兩相夾
歲久終蔓延枝葉已交接有花散紅英有子垂皂莢赤
日隔繁陰偃息可移榻但憂風雨甚高架一時壓霜雪
却不妨忍冬共經臘王鳳雛士騏詩云手種藤花大可
圍暮春小圃亦芳菲黃鸝隱葉惟聞囀紫蝶尋春不辨

飛滿架迎風光眩眼緣溪著雨碧侵衣漫道破除情事
盡長條柔蔓轉依依近時韓慕廬詩云寒藤頗耐人離
垢餘香冷今夜瑤臺月來伴孤根影長存太古色領取
片時靜嘉樹還堪譽植自匏菴公想當施手時雀燕鳴
春風黃札後來多君看斧斤同澗步與籬畔結蔓名爭
春如何近日邊棄置若路塵最憐花下者無一賞花人
診夢如相語托根失空谷仕路去來輕底事同拘束君
生如偶人勿嘲土與木朱竹垞紫藤云客舍紫藤長數
尋默蔓年多半枯槁往歲丰茸莖太密花事去年翻草
草今年二月呼園丁三百銅錢費除埽雖然芟後花較

遲漸見含苞同厥腦檐牙朽株換棚格并牀新汲傳栲
橈杲杲低垂香細細遊絲不動日杲杲鉤簾忽驚啁雀
去仰面生憎土蜂抱越州老酒吳船來小榼偏提恣傾
倒頭銜久矣脫朝簿那問鼙鼙鼓昏早惜哉筋力日已
疲惟有花前不知老停杯還憶改鄉路亂水穿沙入裴
島千章古木藤纏身飄落繁英湍衫襖明年期爾橫漲
橋柔櫓嘔啞撥萍藻綠陰共聽黃栗留醉卧櫂頭船更
好家初白詩云前日飲寄園自辰經終酉連朝發酒病
解醉仍思酒一笑赴佳招相逢復開口入門庭宇曠槐
陰寬半畝高格架藤花有若魚貫柳其梢多倒垂其蔓

必上走蛟螭起拏攫纓絡飄絲絃翻愛急雨來不嫌濡
我首殷勤得賢主諧謔因良友衣上指唾痕花前傷老
醜人間好亭館豈必皆有仁願興到時深杯長在手
又詩云不計千枝與萬枝玲瓏巧透竹芭籬圍屏倚翠
成宮錦步障留陰護紫絲蔓引龍蛇皆上走花披瓔珞
總交垂家園手種應如臂忍負東風爛熳時又詩云朱
藤春季花入夏已狼藉名園開較晚間作一旬隔我來
若相待耀眼動魂魄舉頭千萬梢稍稍上高格廻欄三
百步步步轉幽蹟中休得小亭未覺方丈窄花濃四垂
鬢葉厚平展席輕如榆穿錢小串低可摘重如鰓貫柳

繁縷紛難擘尾長或計尋莖短亦盈尺高褰俄作勢密
綴欲無隙南北交絲障東西挂簾額采香蜂經營嚼影
魚跳躑紫雲烘暖靄不受日光炙旦晚顏色殊陰晴氣
候易主人有深意召此閒吟客方當豁襟抱魚用佐肴
核擷之復湘之謂有噉花癖從公亦何幸醉飽且永夕
明歲花發時回頭莽陳迹又紫藤花蕊云牛酥煎牡丹
方法傳自昔藤花故見遺開謝任狼藉客從山中采云
此堪齟齬貧家乏餽釘一味忍輕擲飾庭雖無緣謀野
乃有獲郊園腓百卉高蔓走千尺瓔珞垂紫英晴光燭
晨夕畦丁幸許致爛熳助采摘一一柳貫魚傾筐手親

勞天生物無棄祇在人愛惜于湘昧食經試以已意逆
水瀾既良方火攻非下策屏除蜀椒辣點綴吳鹽白果
然發芳鮮出釜登几席豈惟悅吾口亦用酬我客人誰
知正味事喜出創闢明朝馳短箋鄭重告詩伯兩家富
旨蓄迨此花滿格俯笑王濬冲營私鑽李核仰慚陸魯
望未免杞菊癖錢修亭詩云天邊朗氣到華堂花事清
和占早芳散直客來成不速知時雨過發真香佛衣亂
綴千瓔珞仙佩低垂萬紫囊既醉餘情未歸去倚藤小
坐當胡牀錢稼軒畫紫藤云高架盤旋香氣菲紫絲步
障得因依莫驚老幹夔龍舞仙骨原披一品衣陳衛叔

詩云春去甫及旬落花厚盈尺葯欄紅漸翻庭薇嬌未
坼暄風吹不已藤蔓又絡格朝從西苑歸繁香一水隔
暮更來城南壓架逞明嫿如絲雨初斷作絮雲乍擘夕
陽開窻窰低射綠陰隔天意惜主情愛花還愛客花態
媚芳辰花氣散瑤席競睹羅囊紫深護紗籠碧細蕊垂
檐牙清影動簾額君家兄弟好留髡興何劇吟箋刻燭
寸飲判騰觚百忽記鄉里遊衫扇戲巷陌春風繡谷亭
花時輒命屐竭來京洛居相思若塵積老屋古藤纏徒
指臨江宅遺賞慳追尋撫景良足惜高齋延餘清翠色
展帷帶罽絹亟寫圖莫待花狼藉管絃若詩云麗穀花

垂糺縵枝綳陰列坐勸深卮貧家莫笑無供頓步障居
然作紫絲海波舊宅百年餘纔謂詩人又徙居一種青
藤差未古白頭容著滿床書

附錄

藤爾雅諸慮山梟有大小數種皆依附大木蟠曲而上
南方草木狀有榼藤浮沉藤蔕子藤野聚藤菽藤廣州
記有膏藤苴藤臨海異物志有鍾藤葑藤崔豹古今注
有酒杯藤酉陽雜俎有人子藤本草有千金藤黃藤白
花藤常春藤扶芳藤千歲蘘甘藤含水藤天仙藤紫金
藤南藤清風藤百稜藤省藤千里及藤海藤地龍藤龍
手藤牛領藤牛妳藤鬼膊藤斑珠藤息王藤萬一藤曼

遊藤百丈青藍藤瓜藤金稜藤含春藤獨用藤祁婆藤
野猪尾石合草飛藤溫藤等目梁簡文帝詩云纖條寄
喬木弱影掣風斜標春抽曉翠出霧掛懸花唐岑嘉州
參石上藤云石上生孤藤弱蔓依石長不逢高枝引未
得凌空上何處堪託身為君長萬丈李東川頌古藤歌
云古藤池水盤樹根左攬右拏龍虎蹲橫空直上相陵
突丰茸離纚若無骨風雷霹靂連黑枝人言其下藏妖
魑空庭落葉作開合十月苦寒常倒垂憶昨花飛滿空
殿密葉吹香飯僧遍南階雙桐一百尺相與年年老霜
霰顧逋翁況石上藤云空山無鳥迹何物如人意委曲

結繩文離披草書字昌黎感春云偶坐藤樹下暮春下
旬間藤陰已可庇落蕊還漫漫疊疊新葉大瓏瓏晚花
乾青天高寥寥兩蝶飛翻翻時節適當爾懷悲自無端
張象文蟪蛄古藤云欲結千年茂生來便近松迸根迴井
潤交葉覆庭濃蓋密勝丹桂層危類遠峰嫩條懸野鼠
枯節叫秋蛩翠老霜難蝕皴多蘚乍封幾家遙共翫何
寺不堪容客對忘離榻僧看誤過鐘頃因陪預作終夕
遶枝筇宋梅聖俞垂澗藤云寒松偃澗濱弱蔓垂纓綠
波縈翠帶長水濺低花馥終日採蘋人攀條映巖曲范
石湖靈石山萬歲藤歌云君不見東林怪蔓之詩三百